



Broj:01-2-108/15  
Sarajevo, 16.01.2015. godine

**MEDIJIMA**

*Predmet: Saopštenje za javnost povodom rasta kursa švicarskog franka*

Ukidanjem privremene mjere Centralne banke Švicarske, koja se odnosila na ograničavanje kursa švicarskog franka u odnosu na euro, posljednjih dana su doveli do naglog i izrazito visokog rasta kursa CHF u odnosu na EUR, a posljedično s tim i u odnosu na konvertibilnu marku. Navedeni rast kursa švicarskog franka imaće značajne negativne efekte na građane i privredne subjekte u Bosni i Hercegovini, koji imaju kredite sa valutnom klauzulom u švicarskim francima.

Ukupan iznos kredita sa valutnom klauzulom u švicarskim francima koje su plasirale banke u Federaciji BiH sa 30.11.2014. godine iznosi 150 miliona KM i odnosi se na jednu banku sa sjedištem u FBiH.

Predstavnici Agencije za bankarstvo FBiH stupili su u kontakt sa predstavnicima Banke, u cilju pronalaženja modaliteta, kojim bi se smanjio negativan uticaj koji je izazvala nagla promjena švicarskog franka i koji bi olakšao situaciju za stanovništvo koje ima kredite sa valutnom klauzulom u švicarskim francima.

Jedan od modaliteta koji se razmatra je mogućnost da Banka klijentima ponudi konverziju njihovih kredita sa valutnom klauzulom u švicarskim francima u kredite u konvertibilnim markama, ili u kredite sa valutnom klauzulom u eurima, po kursu koji je važio za švicarski franak na dan ukidanja privremenih mjera Centralne banke Švicarske.

Također, predstavnici Agencije za bankarstvo FBiH će sa predstavnicima Banke razmotriti i druge opcije i modalitete, u cilju ublažavanja navedenih negativnih efekata.

**URED ZA INFORMISANJE FBA**